

اداره خانه

باب عالی جاده سنده دائره مخصوصه

آبونه سرائطی

ممالک عثمانیه ده سنه لکی (۶۵) ، التي
آیلغی (۳۵) غروشدر. ممالک اجنبیه ده
سنه لکی (۱۷) ، آلی آیلغی (۹) فرانقدر.
[ایضاحات : نسخہ سی الی پاره ، آلی
آیلغی بر جلد ، هر جلد ۲۶ نسخہ در.]

اخطارات

§ آبونه بدلی پشیندر.
§ آدرس تبدیلنده قرق پاره لک
یول کوندرالمی در .
§ مسلک موافق آثار مع الممنونیه
قبول اولئور . درج ایدیلمه یازیلر
اعاده اولونماز .

سراسر

۱۳۳۰

دینی ، علمی ، ادبی ، سیاسی هفته لق مجموعه اسلامیه . ر

عدد ۲۵۳

۱۲ شعبان المعظم ۱۳۳۱

پنجشنبه

۳ تموز ۱۳۲۹

جلد ۱۰

تقراتی دیکلنہم :

« وای اخوان ، ما قدمدنا اوکرمش اوله جنکمز وجهله حقنکرده املم شودر که مال و ثروتک . اولاد و افریانتک ، اییا و مرسلوبک سزه اصلا نفع و فائده سی اوله ، یہ جنی زمان ایچون حضرت مسیحی سزه خلاصکار ووصی اتخاذ ایدیکنر . »

ای اخوان دین ! بو آنلرک بیک اوچیز سنه دن بری تکرار ایدوب طور دقلری تقراتدر : « وقالوا کونوا هوداً او نصاراً تهتدوا » (اونلر - یهودی و یانصرانی اولیکمز که هدایت بوله سکمز - دیرلر) « قل بل ملة ابراهيم حنیفاً وماکان من المشرکین » (یا محمد ! سنه ده آنلره دی که بن ابراهیم ملتندیم . ابراهیم دین حقه مائل اولوب مشرکدن دکل ایدی) « قولوا امنا بالله وما انزل الینا وما انزل الی ابراهیم واسمعیل واسحق و یعقوب والاسباط وما اوتی موسی و عیسی وما اوتی التیبون من ربهم لانفرق بین احدنهم ونحن له مسلمون » (ای اهل اسلام آنلره جواباً دیکمز که بزالله ایمان ایستدیکمز کبی بز انزال بیوریلان قرآنه و ابراهیم واسماعیل واسحاق و یعقوب و اوغللری اسباطه و یریلن صحفره و موسی و عیسیایه و یریلن تورات و انجیله و دیگر پیغمبرلره و یریلن کتابلره ایناندق ، بز آنلری یکدیگرندن تفریق اتمه یز و بزالله تسلیم اولمشز) « فان آمنوا بمثل ما آمنتم به فقد اهتدوا » (اکر آنلر ده سزک ایمان ایستدیکمز کبی ایمان ایدرلر سه هدایت بولمشلر دیکمز) « وان تولوا فانما هم فی شقاق » (واکر ایمانندن اعراض ایدرلر سه تفرقه و شقاق اوزره بولنورلر) « فسیکفیکهم الله وهو السميع العليم » (آنلرک ایقاع ایده جکی فساده قارشو الله سزه کافیدر . الله ایشیدیر و بیلور . بقره ۱۳۶ ، ۱۳۸) .

خطیب نصرانی ده ، بزده شوسوزی مشترکاً تکرار ایدرز :
« الله هادیکنر اولسون . آمین »

محمود اسعد

کدک پاشا : ۲۴ مایس ۳۲۹

فِقْهُ وَفِئَاتِی

فق و عبادات اسلامیه نارمخند :

حج

۱۷

اصحاب کرام حضرتاتی ، طوافک اولکی اوچ شوطنده فخر کائنات افندمزک « رمل » یا پیش اولدقلری حقننده متفق ایدیلمر . فقط بونک امت ایچون سنتمی ، یا خود فضائل و مستحبات قیلندیم اولدیغی حقننده اختلاف ایدیورلردی . برروایت کوره عبدالله بن عباس رملک سنت اولدیغنه قائل ایدی . فقط ابن طفیلک روایتنه کوره سنت اولدیغنی التزام ایدر ، بلکه یوقارولرده سویلندیکی ازره بونک لمصاحه اجرا ایدیلمش اولدیغنی سویله ردی . اهل حرمدن اولوب ده تمتع سبیلله مکهمکره دن ایکنجی دفعه اوله رق احرامه کیرنلرک ایکنجی طوافلرنده رمل اتمیه جکلری خصوصنده اتفاق واردی . فقط اهل مکهدن اولانلرک

طوافلرنده رمل ایدیلوب ایدیلمیه جکی حقننده اختلاف موجود ایدی . ابن عمر رضی الله عنهما بونلر ایچون رمل یوقدر دیرلردی .

اصحاب کرام رکن اسوه دایله رکن یمانیک استیلام ایدیلمیه جکی حقننده متفق ایدیلمر . فقط قالان سائر ارکانک استیلام ایدیلوب ایدیلمیه جکی حقننده اختلاف واردی . ابن عمر مخالف سنت اولدیغندن سائر ارکانک استیلام ایدیلمیه جکنه قائل ایدی . حضرت جابر ایسه بوتون ارکانک استیلام ایدیلمسه طرفدار ایدی .

ممکن اولدیغنه کوره بالذات حجر اسودک تقییلی ، ممکن اوله مدیغنه کوره استیلام ایله الک تقییلی ، طوافدن سوکراده ایکی رکعت نماز قیلنمسی حقننده اتفاق ایدیورلردی .

اصحاب کرام آره سنده خطیمک اشغال و احاطه ایستدیکبی بر قاج آرشون یرک کبیه معظمه نك اصل تملنه داخل اولدیغی حقننده بر فکر موجود ایدی . ام المؤمنین حضرت عائشه بو خصوصده بر حدیث شریف دخی روایت ایدیورلردی . [۱۹] ایشته بوکابنا ابن عباس و سائر بعض اصحاب طوافک و رای خطیمدن اولمسی لازم کله جکنی سویله ردی . .

§ فجر طلوع ایستدکن ، ایکندی نمازی قیلندقدن سوکر طواف ایدیلوب ایدیلمیه جکی حقننده اختلاف ایدیورلردی . عمر بن الخطاب ، ابن عمر ، عبدالله بن الزبیر ، ابو سعید الحدری و سائر بعض اصحاب کرام بو وقتلرده طوافک جوازینه ، طلوع و غروب زمانلرنده ایسه ممنوعیتنه قائل ایدیلمر . سعید بن جبیر و مجاهد رضی الله عنهما فجر و ایکندی نماز - لرندن سوکر طوافک مکروه اولدیغنی ، طلوع و غروب زمانلرنده ایسه عدم جوازینی ایلمری سویورلردی .

اصحاب کرام حضرتاتی طواف قدوم ، طواف افاضه (طواف زیارت) ، طواف وداع ناملریله اوچ درلو طواف بولندیغی حقننده متفق بولدیورلردی . متمتع مکهمکره یه ایرندیکی کبی بری عمره ایچون ، دیکری ده ایکنجی احرامی داخاندن وقفه دن سوکر احنج ایچون ایکی طواف قیلمسی لازم کله جکی ، مفردک ایسه یالکمز وقفه دن سوکر طواف زیارت ایله مکلف اوله جنی حقننده اختلاف موجود دکلدی فقط قارنک قاج طواف اتمه سی لازم کلدیکبی حقننده اختلاف واردی . ام المؤمنین حضرت عائشه ، عبدالله بن عمر ، جابر حضرتاتی قارنک آنجق بر طواف زیارت ، برسی ایله کتفا ایده جکنی سویله ردی . علی بن ابی طالب ، عبدالله بن مسعود حضرتاتی ده قارنک یالکمز بر طواف ، برسی ایله وظیفه سی بیتمش اولمایه جنی . بلکه ده بری عمره سی ، دیکری ده حجی ایچون اولمق اوزره ایکی طواف و ایکی سعی اتمه سی ایجاب ایستدیکبی درمیان ایدیورلردی .

اصحاب کرام حضرتاتی صفا ایله مروه آره سنده سعی اتمه نك [۱۹] عن عائشة رضی الله عنها قالت سألت النبي صلى الله عليه وسلم عن الجدر أن البيت هو ؟ قال : نعم . قلت : فأنهم لم يدخلوه في البيت ؟ قال : ان قومك ايدخلوا بن شاة وبنعوا من شاة . . . الحديث - بخاری -

اصحاب کرام مزدلفہ وقفہ سنی افعال و مناسک حج دن عد ایدر ، پیغمبر افندمزدن کوردکری و جہلہ ایفاسندہ قصور ایتمز لردی . حتی ابن عباس ، ابن الزبیر حضراتی بومزدلفہ وقفہ سنک ارکان حج دن اولدیغہ ذاہب ایدیلر .

وقفہ بی متعاقب کونش هنوز طلوع ایتہ مش ایکن مزدلفہ بی ترک ایدوب منایہ طوغری حرکت ایدر لردی . صوکر ا منادہ عقبہ موقعہ کلرک بمذالطوع کونش زوالہ ایرمہ دن پیغمبر مزدن کوردکری و جہلہ اوراسنی طاشلار لردی .

حضرت ابن عباسک روایتہ کورہ حجة الوداع اثناسندہ یوم نحر کیجہ سی پیغمبر افندمزدن بعض چولوق چوجق ایلہ ضعفانک منایہ کیتہ لرینہ اذن ویردکری زمان « صاقین کونش طلوع ایتہ دن رمی جمرہ ایتہ سکنز » بویورمشلردی . [۲۲] ایشتہ بو حدیث شریفہ باقیلہ حق اولور ایسہ ابن عباسک کونش طلوع ایتہ دن رمی جمرہ جائز اولہ میہ جغہ قائل اولدق لری آکلاشیلیر . فقط امہات مؤمنیندن ام سلمہ ایلہ صحابیاتدن حضرت اسما ایسہ حجة الوداع اثناسندہ کی فعل لرینہ استناداً بونی تجویز ایدر لردی . ابن عمر حضرت تلرینک ده روایت ایتمکده اولدق لری حدیث شریفہ [۲۳] نظر آضعفای حجاجہ مخصوص اولمق اوزرہ قبل طلوع الشمس رمی جمراتک جوازینہ ذہاباری استدلال اولنہ بیلیر .

حلم ثابت

ادبیات :

اقشام اذانی

یا یلدی سینہ ابعاده برصدای وقور :
کویک سکوتی بیرتان لطیف ، دورادور
بولحن پاک سماوی بوتون کولکلر ده
بر انجلائی نوین ، بر خضوع وجد آکین
اویاندیریر ؛ متکابل ، فتورلی روحاری هپ
صارار وزنده ایدر بردای نورو ذہب . .
اققلرک لب حارنده تیرہ بن زمین
سحابہ لردن اوچان خندہ لر سوز یرده ..

بو بوک صاریقلی . اوزون بویلی محترم بریر
کیرردی مسجده ؛ صولغون دوداقلرندہ ، فقیر

[۲۲] رواہ الامام احمد وانترمذی .

[۲۳] وكان عبد الله بن عمر يقدم ضيفة اهله فيقفون عند المشعر الحرام بالمزدلفة بابل فيذكرون الله عز وجل ما بدا لهم ثم يرجعون قبل ان يقف الامام وقيل ان بدفع قنهم من يقدم مني لصلاة النجر ومنهم من يقدم عند ذلك فاذا قدموا رموا الجمره وكان ابن عمر رضي الله عنهما يقول اخص في اولئك رسول الله صلى الله عليه وسلم - اخرجہ البخاری فی صحیحہ -

افعال حج دن اولدینی حقدہ متفق ایدیلر . حج و یا خود عمرہ ایتدکجه صفا ایله مروہ آرہ سندہ سعی ایتہ بی ده ترک ایله مز لردی . سائر عبادت لردہ اولدینی کی ، بورادہ سعیک دخی فرضیت ، وجوب ، مسنونیت کی ، بر حکم ایله اتصافی جهتی موضوع بحث ایدیلر ، یالکز آیت کریمہ ده وارد اولدینی و جہلہ صفا ایله مروہ نک « شعائر الله » دن اولدینی حقدہ بر اعتقاد بسلر ، حج و عمرہ ده طواف دن صوکر ا پیغمبر افندمزدن تلقی بویوردق لری و جہلہ سعی ایله لردی .

اصحاب کرام عرفہ وقفہ سنک ارکان حج دن اولدینی حقدہ متفق ایدیلر . عصر سعادتده اولدینی کی دورا صحابده دخی عرفہ کونی زوالدن صوکر ا خلیفہ ، یا خود خلیفہ نک و کیلی خطبہ او قور ؛ عبدالله بن مسعودک فکرینه کورہ ایکی اذان ، ایکی قامت ایله ، حضرت جبارک روایتہ کورہ بر اذن ایکی قامت ایله اوکله و ایکندی نماز لری ، اوکله وقتده جمع ایدیلردی . عبدالله بن عمر ، نمازینی امام ایله برابر قیلہ میمانلرک دخی اوکله ایله ایکندی بی جمع ایتہ لری لازم کلدیکنہ قائل اولور لردی . [۲۰] صوکر ا وقفہ طور اولور لردی . اصحاب کرام آرہ سندہ عرفات خطبہ سنک قیصہ جه او قونمسی ، وقفہ نک ده بقدر الامکان تعجیل ایدیلرسی سنت اولدینی حقدہ بر فکر موجود ایدی . [۲۱] و برده عرفہ کوننک زوالدن کونش تمامیلہ غروب ایدنجه یه قدر گذران ایدن زماندن ولو بر مقدارنده اولسون عرفاتده حاضر بولنان کیمنه نک وقفہ سعی صحیح اوله جنی حقدہ اتفاق واردی . اصحابدن عبدالله بن معمر الدیلی رضی الله عنه ، پیغمبر مزدن روایت ایتمکده اولدینی حدیثہ استناداً یوم نحرک فجری طلوع ایتہ دن عرفاتده بولونہ بیلین کیمنه نک وقفہ سعی تام اوله جنی فکرنده ایدی .

اصحاب کرام عرفات اغاضہ سنی متعاقب فخر کائنات افندمزدن تلقی بویوردق لری و جہلہ اقشام اوستی مزدلفہ موقعنه کلوب ، اقشام و یاتسو نماز لینی جمع طریقہ ادا ایدر لردی . یوم نحرک فجری طلوع ایدنجه صباح نمازینی ده قیلہ رق « فاذا کر الله عند المشعر الحرام و اذکروه کناهدا کم » آیت کریمہ سندہ مذکور اولان « مشعر الحرام » موقعنده وقفہ یه طوروب مأموربه اولدینی و جہلہ تکبیر ، تهلیل و سائر اذکار شریفہ تلاوت ایدر و اورتالیق آیدینلا نجه یه قدر وقفہ حالنده قالوب دعا ایله مشغول اولور لردی .

[۲۰] وكان ابن عمر رضي الله عنهما اذا فاتته الصلاة مع الامام جمع بينهما - بخاری -

[۲۱] عن سالم (ابن عبد الله بن عمر) قال كتب عبد الملك الى الحجاج ان لا تخالف ابن عمر في الحج ف جاء ابن عمر رضي الله عنهما و اتامعه يوم عرفه حين زالت الشمس فصاح عن سراوق الحجاج فخرج وعليه منجفة معصفرة فقال مالك يا ابا عبد الرحمن فقال الرواح ان كنت تريد السنة . قال هذه الساعة ؟ - قال نعم قال فانظرنی حتى خرج الحجاج فسار بيني وبين ابی فقلت ان كنت تريد السنة فاقصر الخطبة وعجل الوقوف فجعل ينظر الى عبدالله فلما رأى ذلك عبدالله ، قال صدق .. - بخاری -